

PRODUŽENJE JAVNOG POZIVA ZA UČEŠĆE U YEP INKUBATORU POSLOVNIH IDEJA

Općina Centar i Projekat zapošljavanja mladih (YEP), koji se realizuje uz podršku Vlade Švicarske, pozivaju zainteresovane osobe nastanjene na području Općine Centar da se prijave za učešće u programu podrške preduzetništvu kroz **YEP Inkubator poslovnih ideja**. Kroz Inkubator, YEP i Općina Centar učesnicima osiguravaju podršku u jačanju ličnih preduzetničkih kapaciteta, razvoju modela i poslovnog plana za svoj poduhvat, tehničkoj implementaciji proizvoda i/ili usluga te mentorstvo u registraciji i razvoju biznisa. Na kraju procesa inkubacije, polaznici će svoje biznise predstaviti stručnoj komisiji. Poslovnim poduhvatima koji dobiju pozitivnu ocjenu biće ponuđen paket podrške koji uključuje investiciona sredstva za pokretanje biznisa te mentorsku podršku u oblastima u kojim za to identificira potreba. Prijave za učešće u YEP inkubatoru poslovnih ideja je moguće predati do **21.02.2018. godine** u prostorijama Općine Centar, **kancelarija broj 201**. Detaljnije informacije o načinu i uslovima prijave su dostupne u nastavku ovog javnog poziva.

Propozicije

1. Predmet poziva – Prijavom na ovaj poziv, zainteresovani aplikanti prijavljuju se za učešće u YEP inkubatoru poslovnih ideja koji se realizuje u saradnji sa Općinom Centar.

2. Predmet poslovne ideje – za učešće u YEP Inkubatoru poslovnih ideja moguće je aplicirati sa poslovnom idejom koja kao rezultat podrazumijeva formalno osnivanje privrednog subjekta, bez obzira na formu registracije. Ograničenja u vezi oblasti ili industrija iz koje dolaze poslovne ideje su one koje nalaže zakonodavstvo. Dodatno, nisu prihvatljive poslovne ideje koje imaju negativan uticaj na ljudsko zdravlje (npr. proizvodnja, prerada ili puštanje u promet alkoholnih pića ili duhanskih proizvoda, proizvodnja koja ima značajan uticaj na zagađenje ljudske okoline i slično).

3. Podnosioci – Ovaj javni poziv otvoren je za prijave: Fizičkim licima sa prijavljenim mjestom boravka na području Općine Centar, Organizacijama civilnog društva (udruženja građana i fondacije), zainteresovanim za pokretanje socijalnih/društvenih preduzetničkih poduhvata,

Uslovi za učešće su: Da imate poslovnu ideju koju želite da pokrenete i uspostavite formalni biznis ili ako posjedujete neformalnu (neregistrovanu) djelatnost i želite da je formalizujete/registrujete; Da pripadate jednoj ili više ciljnih grupa (vidi dolje); Ako posjedujete minimalne tehničke vještine za vođenje proizvodnog procesa ili upravljanje poslovne aktivnosti; Završena srednja ili viša škola ili iskustvo na poslovima koje obuhvata Vaša poslovna ideja; Tehničko ili zanatsko znanje i druge vještine neophodne za obavljanje predmetne djelatnosti.

Ciljne grupe: Nezaposleni; Zaposleni koji bi htjeli da pokrenu vlastiti posao; Mladi; Žene; Organizacije civilnog društva, zainteresovane za angažman u oblasti socijalnog preduzetništva.

4. Postupak prijave – prijave je moguće podnijeti u periodu do **21.02.2018.** godine, ispunjavanjem odgovarajućeg *Prijavnog formulara za YEP Inkubator poslovnih ideja* (koji se nalazi na stranici Općine Centar). Popunjen formular i prateće dokumente moguće je predati u pismenoj formi u **kancelariju broj 201**. Bitno je osigurati da je Prijavni formular popunjen u potpunosti, odnosno da nema nedostajućih informacija.

Nepotpune aplikacije neće biti razmatrane od strane komisije i biće odbačene. Ukoliko zadovoljavate uslove za učešće i ukoliko vaša aplikacija bude pozitivno ocijenjena u odnosu na druge aplikacije, bićete pozvani na prezentaciju Programa YEP Inkubatora na kojoj ćete biti obaviješteni o narednim koracima koje trebate slijediti kako bi se izbjegle sve nejasnoće vezane za potencijalne korisnike koji imaju pravo učešća u Programu.